

КАЛЫК КУСЫПЪЭС

Сэрего Эмгак

Елена МИННИГАРАЕВА

Шаерысьтымы Национальной библиотекаын Марий Элысь калык писательлы Вячеслав Абукаев-Эмгаклы (1959-2008) сйзем жыт ортчиз. Та ужрадын ик Удмуртиысь көня ке адыми Абукаев нимо медален пусьмын вал.

Эшъяськон вал

Меҗак верасько, та жытозь Вячеслав Абукаевлэсь нимзэ кылылй, но ужъёссэ ой лыдзьлы. Соин ик В. Абукаевлэн творчествоныз тодматсконо кариськи. Көня ке чуръёссэ лыдземе бере ик валай, малы сокем дунъяло поръёс асьсэ писательзэс, малы солы сйзем медаль но малпазы. Мыным потйз, Вячеслав Абукаев - со пор калыклэн Михаил Федотовез, дырез но вакытэз лул-сюлмыныз туж зол шөдйсь.

В. Абукаев сярысь трос тодэ ваёнтьёсыз Удмуртиысь калык писательлэн Вячеслав Ар-Сергилэн. Соос матысь эшгёс выльллям.

- Ми соин нянь сукыримес гинэ но ваче люкиськом вал. 1982-тй арын монэ келязы Марий Элысь университете пор кыллы дышеткыны, мон луи историко-филологической факультетлэн студентэз, - тодаз вае В. Ар-Серги. - Отчыозь поръёсты адылэме ик ой вал, пал кыл но пор сямен ой тодылы. Кылбурчи Владимир Романов дэмлаз поръёслэн «Ямдэ лий» газетсылэн редакциязы вуылыны. Отысен нырысетй нуналаз ик пумитай Вячеслав Абукаевез: пичи гинэ мугоро, син шоры сокем йөтйсьтэм. Пайми солэн, огласянь, туж востэм, мукет ласянь, туж шаплы луэмезлы. Ми эшъяським. Пор гожъяськись - со сыҗе адыми: потэ ке бөрдэмез, бөрдэ, потэ ке кесяськемез, кесяське, малпангёссэ ватыса уг улы. В. Абукаев куддыръя сэрего луылйз. Но со сэрегъёс адымиос пала берыктэмын ой вал, аслаз пушказ, аслаз сюлэмыз шоры учкылйзы.

- Азьвыл пöртэм калыктьёслэн писательёссы ог-огенызы юн кусып возизы, ог-огзылэсь дышеткызы, - тодаз вайиз радиожурналист Владимир Михайлов но. - Жаль, тросэз со вакытысь кужмо гожъясьёс улэпэс өвөл ни. Вячеслав Абукаевлэн тыршеменыз, пор газет-журналёсын потйзы мынам но пор кылэ берыктэм кылбуръёсы. Озы калыкъёс ог-огзылэсь литератураоссэ тодйзы...

В. Абукаевлы сйзем жытэ пырыськызы Удмуртиын улысь поръёс но. Поръёслэн огазеяськонэнызы



кивалтйсь Николай Ямаков тау кариз, кылбурчилэсь нимзэ Удмуртиын но тодазы возэ шуыса.

Нош Пичи Пурга ёросысь Иж-Бобья пор гуртысь Зоя Князева ватсаз:

- Мон школаын пор кылэз дышетэмын өвөл, но пор кырзангёсты туж яратйсько. Малпасько вал, калык кырзангёсты быдэстйсько шуыса, нош соослэн авторзы В. Абукаев вылэм.

Юром та жытлы шуыса, Иж-Бобьяысь поръёс яратоно калык кырзанзэс быдэстоно кариськиллям, да сяськонъязы тодйллям, солэсь кылгёссэ В. Абукаев ик гожтйз шуыса.

- Калык писатель - со понна ик калык писатель. В. Абукаевлэн чуръёсыз адымиослэн сюлэмгёсазы сокем пыҗазы, асьсэлэн шөдонгёссы, верано кылгёссы кадъ, - пусйиз Национальной библиотекалэн директорез Татьяна Тензина. Т. Тензина тау кариз Вячеслав Ар-Сергилы но:

- Мон малпасько, Удмуртиысь калык писательлы В. Ар-Сергилы луыса но Марий Элын сокем гажало удмурт литератураез. В. Ар-Серги туж трос лэсьтйз но лэсьтэ эшлыко кусыпгёсмес возён понна. Пор кылын эркин вераськемез но гожъяськемез, Марий Элысь театрёссы сценарийёс гожъямез, удмурт калыклы җыжы-выжы луысь пор гожъясьёсты усьтэмез понна солы йыбырттыны кулэ.

Дышеткись жутйз дышетйсьсэ

Огпол Вячеслав Абукаев доры лыктэм пичи пияш. Писатель учкем солэсь гожъямгёссэ, визь-кенешгёс сётэм, азыланяз но гожъяськыны бурдъям. Пияш гожъяськемысь дугдымтэ, Севастопольысь военно-морской училищее пырыса но, аслаз дышетйсеныз ялан кусып

возем. Али Василий Краснов - 2-тй ранген капитан, улэ Североморскын, тодмо пор гожъяськись луиз. Тйни со Василий Краснов ик кылдытэм пор культуралы юрттонгя фонд, нош та фонд - Вячеслав Абукаев нимо медаль. Та медален пусйисько пор но фин-угор литератураослы бадзым саклык висъясь адымиос.

Вячеслав Абукаевлы сйзем жыт дыръя сыҗе медальёсын пусьмын шаерысьтымы 12 адыми. Соос туж пöртэмез - бадзым кивалтйсьёс но нуналмысь адскисьтэм ужез лэсьтйсьёс, писательёс но соослэсь гожъямгёссэс калык пöлы вöлмыгыны тырпийсьёс, удмуртгёслэсь но поръёслэсь кусыпгёссэс юнматйсьёс. Куд-огез понна поръёслэн сыҗе выль дунъямзы воксё витөнтэм луиз.

- Ужаку тон уд малпаськы кыҗе ке наградаос сярысь, тырпийськод тросгес но тунсыкогес лэсьтыны, вань сюлэмдэ поныса ужаськод, нош собере, аръёс ортчыса, награда тонэ шедьтэ вылэм. Мон тау шуисько командамылы, тау шуисько адымиослы, кинэн җош ужамы, - пусйиз Национальной библиотекаысь отделэн кивалтйсь Надежда Лимонова но тодаз вайиз пор-удмурт кусыпгёссы сйзем ужъёссэс, «Народы Удмуртии» проектэз пыҗатэмзэс но трос мукетсэ.

Зуч гожъяськись Сергей Жилин тодаз вайиз Граховолы сйзем книга бордын ужамзэ, та ёросысь пор гуртгёс сярысь материалгёс люкамзэ. Пусьмгёс пöлын ик - Удмуртиысь калык писатель Вячеслав Ар-Серги. Алигес Марий Элын потйз солэн пор кылын книгаез. Национальной библиотекалэн ужрадаз пырыськем поръёссы со бадзым кузьым луиз.

Та жыт мон понна В. Абукаевез усьтон выллем вал бере, йырысь өз кошкылы

Фин-угор писательёс Ф. Васильевез буре ваён нуналгёсы Ижын, 1989-тй ар. В. Абукаев - паллянысен 5-тйез. Туспуктэм басытэмын В. Ар-Сергилэн архивысьтыз, печатлаське нырысьсэ.

юан: малы писатель аслыз псевдонимлы «эмгак» кылэз быртьем? Эмгак - пор кылысь берыктыса, «шудтэм» шуэмез возматэ ук. Бен, улонэз солэн капчи вылымтэ, тужгес но берло аръёссэ. Кулон аяз В. Ар-Сергиен вераськиллям.

- Маке мон туж жади... - шуэм Эмгак.

Нош көня ке нунал орчыса, В. Абукаев улонысь кошкем, 50 аресозяз но вуытэк...

Кылбуръёс уг кылдо жöк сьöрын

Вячеслав АБУКАЕВ

*Кылбуръёс уг кылдо
жöк сьöрын.
Кылбуръёс уг гожтйсько
йырын.
Соос сюлэмын но лулын
гожтйсько -
Гадез кесыса, эрике
ыбышко.
Кагаз вылын гинэ
уг гожтйсько соос,
Пусъёс гинэ уг кельто
тылыос...
Кылбуръёс гожтйсько
пöсь вирын,
Подэм луллэн
кескемгёссыз -
кылбур чурын.
Соос, нылпи музэн
кесяськыса,
Вордско, сюлмез
вöсен нярзыйтыса...
Нош кыззы соос вордйсько
ни отын,
Сэре инты шедьто
кагаз вылын -
Зэмзэ ке верано,
уг лу валэктэмэ,
Уг пот но, дыр,
сое тодылэмэ.
Ведь кылбуръёс уг кылдо
жöк сьöрын.***
Пор кылысь берыктйз
В. АР-СЕРГИ*

КРИТИКА СЯРЫСЬ

Гожъяським но гожъяськом



Критик Л. Оборин.

Анастасия ШУМИЛОВА

Туала драматургия но режиссура центрын ортчиз Москваысь вуэм критикен, кылбурчиен Лев Оборинэн пумиськон.

Жытэз радъяз Ижысь «ПоэтУр» огазеяськон. Л. Оборин лыдзиз кылбуръёссэ но вераськыз туала кылбурет но критика сярысь. Л. Оборин малпамъя, книгаез лыдзем сяна, со сярысь критикаен но тодматсконо. Али зеч критикаез шедьтыны луэ «Знамя», «Новый мир», «Нева» выллем зöк журналгёссысь, «Горький», «Прочтение», «Полка» во тэс бамгёссысь, но со тырмыт өвөл. Критикалы азинскыны зол юртто литературной премиос. Премиен пусьм книга сярысь трос вераськонгёс пурзо угось.

- Премиез басытэм авторлэн книгаез туннэ нуналлы самой зечез шуыны янгыш луоз, дыр. Но кыҗе ке премилэсь вакчи списоксэ учкыса, валаны луэ туалы литературалэсь тусэ, - вера Л. Оборин.

Али вотэсын тросэз блогергёс гожъяло книгаос сярысь. Англи кылын азинско «твиттература» - пичи (140 знак котырын) рецензиос. Со асьме доры но, оло, вуоз ай, шуэ Л. Оборин. Блогергёс җемысь ушгъяса гинэ гожъяло книгаос сярысь. Уг ке гожъяло, иське, книга алама.

Со дыре ик Л. Оборин поэзия сярысь сюлмаськонно өвөл, пе.

- Малы ке но адымилы кемаласен кельше ини вераськонэз чурен-чурен люкылыны но отысь огкадь чузъяськись интыоссэ шедьтылыны, - вера Л. Оборин. - Адымиос кылбуръёс гожъязы но, гожъялозы но. Мукет ужпум - умоесь-а соос? Куд-огезлы кылбур кельше, куке соос асьсэды отысь тодмало, кылбурчи җапак мынэсьтым мылкыдме усьтйз шуыса. Нош мыным потэ, тунсыко поэзия огдышемзэ уг возматэ, со паймыгыны кулэ: мон озы ой на малпаськы, та пала йырме ой на бергаты. Юангёссы валэктонгёс сётэм интые, умой кылбур юангёс сётэты. ***